

الرشاد

س ۱ ۳۰ ۳ ۱ ۳

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

مسلمانان را بت پرستك انفاق . — هند مسلمانان را بت پرستری آره سنده . انگلیزك سی و غیرتلی نتیجه سی اوله رق - من القیم جایکیر اولان اختلافات ، شوصوك کونلرده مودت و اشتلافه مبدل اولدیغندن انگلیزك نظر دقتی جلب ایتشدر .

آرنه مسلمانان اربابور . — افغانستان ایله هندستان حدودنده متمکن اولان قبائل ایله انگلیز آره سنده کی مناسباتکده عین زمانده پک این اولدیغنی هند غزته لری طرفندن درمیان اولنقدده در .

الراج انتباه :

فاس حمایه سی معاهده سی

فرانسه ایله فاس آره سنده منعقد حمایه معاهده نامه سنک متنی ترجمه سی در : فاسده اصلاحات اجراسیله مملکتک نشوونمای اقتصادینه مساعد و انتظام داخلی و آسایش عمومی اوزرینه مؤسس براداره منتظمه وجوده کتیرمک آرزو سنده بولنان فرانسه حکومت جمهوری سی ایله حکومت شریفیه آره لرنده مواد آتیه قرارلاشدیرلمشدر :

برنجی ماده — فرانسه حکومت جمهوری سی و امیر حضرتلری فرانسه حکومتک فاس مملکتک ادخال تنسیب ایده جکی اصلاحات اداریه ، عدلیه ، تدریسیه ، اقتصادیه ، مالیه و عسکریه نک اجراسنی کافل برطرز جدید اداره تأسیسی خصوصنده متحدددرلر .

بواصول اداره ، حال و موقع دینی ، سلطان حضرتلرینک من القیم حائز اولدیغنی نفوذ ایله موقعه لازم اولان رعایتی ، دین اسلامک سربستی اجراسیله مؤسسات دینی و بالخاصه مؤسسات وقفیه یی محافظه یی کافل اوله جقدر . اصلاح ایدیلهرک بر مخزن شریفی تشکیل ایدیله جقدر . [حکومت شریفیه] وضعیت جغرافیسی و فاس ساحلنده اراضیسی بولنسی اعتباریلهرک اسپانیا حکومتک حائز اولدیغنی منافع حکومت جمهوری و حکومت مذکوره آره سنده بالمذاکره تعیین و تنظیم ایدیله جقدر .

طنجه شهری اولجه قبول ایدلمش اولان وضعیت مخصوصه سی محافظه ایده جک و تشکیلات بلدیسی بونک اوزرینه تعیین ایدیله جقدر . ایکنجی ماده — سلطان حضرتلری فرانسه حکومتک ، ادامه انتظام و مناقلات تجاریه سنک دائره آسایشده جریانی مقصیده مخزنه بعدالاشعار فاس اراضیسنده لازم اولان محللری اشغال عسکری تحتہ آلمنی شیمدن قبول ایتدیکی کبی کرک قرده و کرک فاس صولرنده حرکات انضباطیه اجرا ایله جکنی ده تصدیق ایلر .

اوچنجی ماده — حکومت جمهوری شریف حضرتلرینه شخص و تحتی تهدید ویا ممالک امیریلرینک آسایشنی خللدار ایده بیله جک هرتهلکه قارشیسنده معاونت دائمه ده بولنه جغنی تعهد ایلر .

دردنجی ماده — اصول جدیده حمایه نک ایجاب ایده جکی تدابیر فرانسه حکومتک واقع اوله جق تکلیفی اوزرینه شریف حضرتلری ویا طرفلرندن بوصلاحیتی حائز مأمورین جانبندن نشر و اعلان ایدیله جقدر . نظامات جدیده ایله نظامات موجوده ده تعدیلات اجراسی ده بوصورتله جریان ایده جقدر .

بشنجی ماده — فرانسه حکومتی شریف حضرتلری نزدنده مقیم و جمهوریتک فاسده کی بوتون حقوق و صلاحیتی حائز اولان بر قومیسر تمثیل ایده جقدر که کندیسی بومعاهده احکامک اجراسنه مأموردر . مقیم قومیسر ، شریف حضرتلریله اجنبی مأمورلری آره سنده و بومأمورلرک فاس حکومتیله اوله جق مناسباتنه یکانه واسطه تبلیغ و تبلیغ اوله جقدر . کندیسی ، بالخاصه ممالک شریفیه ده اجانبه متعلق مسائل ایله توغل و وظیفه سیله ده موظف اوله جقدر . شریف حضرتلرینک اصدار ایلدکلری امرنامه لری ، فرانسه حکومتی نامه تصدیق و نشر اعلان صلاحیتی ده حائز بولنه جقدر .

آلتنجی ماده — ممالک اجنیه ده فاس تبعه سی و منافعی فرانسر مأمورین سیاسی و تجاریه سی تمثیل و حمایه ایده جکلردر . شریف حضرتلری ، اولجه فرانسه حکومت جمهوری سنک رأی و موافقتی استحصال ایلهدن ماهیت بین الدولیه یی حائز هیچ بر عقدده بولنیه جغنی تعهد ایدر .

یدنجی ماده — فرانسه حکومت جمهوری سی و حکومت شریفیه فاس استقراضاتی تحویلاتی حاملرینه بخش ایدلمش اولان حقوقه رعایت ایتک شرطیله خزینه امیریه نک تعهداتی اجرا و تکالیف مملکتی منتظماً جبایت ایلک اوزره اصلاحات مالیه اساساتی متحداً وضع و تعیین حقنی محافظه ایدرلر .

سکزنجی ماده — شریف حضرتلری ، بلا واسطه و بالواسطه هرهانکی بر شکل و صورتده اولورایسه اولسون ، بوندن بویه فرانسه حکومتک مساعدیسی اولقمسزین عمومی و بالخصوصی استقراض عقد ایتیه جکنی و امتیاز و یرمیه جکنی قبول و تصدیق ایدر .

اخطار و اعتذار

محترم قارئلرمزدن مسلکمز موافق اولمق اوزره پک قیمتی مقاله لر ، مکتوبلر آلیورز . بونلری هفته سی هفته سنه رساله مزه درج ایتک اقصای تمیامتزدن . لکن مع التأسف رساله مزک حجبی بو املمزک تحققنه آشیلماز بر مانع تشکیل ایدیور . سیل الرشاد اساساً اون الی بیوک صحیفه دن عبارت ایکن بوکی قیمتی آثار یی قسماً اولسون قارئلرمزه اوقوتق ایچون قاج هفته در یکریمی صحیفه اوزرینه چیقارمق فدا کارلغه قاتلانیورز . لکن بر بوقدر فدا کارلق دها اختیار ایدیلسه یه مقصد تأمین ایدیله میه جک . دیکر طرفدن بویه بر فدا کارلغک اختیارینه امکان مالی مساعد دکل . اونک ایچون کرک شیمدی یه قدر کلوب عرض ایتدی کمز سبیدن طولانی نشر اولنه میان ، کرک بوندن بویه ورود ایده جک اولان آثار ایچون تاریخ ورودلری اعتباریله برر صره نومروسی یوریدیله جک ، هر اثر نوبتی کلدکجه درج ایدیله جقدر . اثر صاحبیلرینک بو بابده بزی معذور کورملرینی عن صمیم القلب نیاز ایدرز .